

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 406234 21 St
Tuzla, 17.05.2022. godine

Općinski sud u Tuzli, sudija Faruk Arnaut, kao stečajni sudija, u predhodnom stečajnom postupku nad imovinom dužnika **"Cartigo" d.o.o. za proizvodnju, trgovinu i usluge, export-import Tuzla, ul. Behrambegova br.9., Tuzla**, nakon provedenog stečajnog postupka donio je dana 17.05.2022.godine slijedeće

R J E Š E N J E

OTVARA SE stečajni postupak nad imovinom dužnika **"Cartigo" d.o.o. za proizvodnju, trgovinu i usluge, export-import Tuzla, ul. Behrambegova br.9., Tuzla**, matični broj subjekta 32-01-0194-15, JIB: 4210204600006, račun broj: 1345801001698950 otvoren kod ASA Banka d.d. Sarajevo.

Za stečajnog upravnika imenuje se Adnan Mešić dipl.ecc. iz Tuzle, Ismeta Mujezinovića 30., Tuzla .

ZAKLJUČUJE SE stečajni postupak nad imovinom dužnika dužnika **"Cartigo" d.o.o. za proizvodnju, trgovinu i usluge, export-import Tuzla, ul. Behrambegova br.9., Tuzla**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 406234 21 St od 12.01.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **"Cartigo" d.o.o. za proizvodnju, trgovinu i usluge, export-import Tuzla, ul. Behrambegova br.9., Tuzla**, a za privremenog stečajnog upravnika imenovan je Adnan Mešić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 23.12.2021.godine. Iz izvještaja privremenog stečajnog upravnika proizilazi da društvo ne posluje i da nema uposlenika. Privremeni stečajni upravnik je prema knjigovodstvenom stanju društva dužnika, utvrdio da društvo ima evidentirana potraživanja iz osnova prodaje u iznosu od 30.516,78 KM, koja su prema utvrđenom stanju privremenog stečajnog upravnika zastarjela, a da je knjigovodstvena vrijednost pasive, odnosno obaveza na dan 31.12.2020. godine u iznosu od 60.220,00 KM. Društvo ne posjeduje imovinu u vlasništvu društva dužnika, osim računara knjigovodstvene vrijednosti od 198,99 KM, koji je prema izjavi privremenog stečajnog upravnika u cijelosti amortizovan 2016. godine.

Dakle, privremeni stečajni upravnik nalazi da je podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti u smislu odredbe člana 61. stav 1. tačka b.) Zakona o stečaju u F BiH, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 01.02.2022.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 1.103,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 12/2022 dana 02.02.2022. godine, oglasnoj tabli suda dana 03.03.2022. godine i na web stranici suda. Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija
Faruk Arnaut**

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, protekom petog dana od dana objavljivanja rješenja u Službenim novinama.